

Greinargerð með fjárhagsáætlun 2025-2028



Mýrdalshreppur

Fjárhagsáætlun 2025-2028. Greinargerð.
Sveitarstjórn Mýrdalshrepps
Síðari umræða, 19. desember 2024



Efnisyfirlit

Inngangur	0
Forsendur áætlunar 2025-2028	3
Málaflokkar, stofnanir og fyrirtæki.	5
Félagsmál	6
Fræðslu og uppeldismál	7
Menningarmál	7
Æskulýðs og íþróttamál	7
Brunamál og almannavarnir	7
Hreinlætismál	7
Skipulags- og byggingarmál	8
Umferðar og samgöngumál	8
Umhverfismál	8
Atvinnumál	8
Sameiginlegur kostnaður	8
Þjónustumiðstöð	8
Eignasjóður	9
Framkvæmdaáætlun 2025	10



Inngangur

Íbúum Mýrdalshrepps hefur fjölgað um 11% á árinu 2024. Útsvarstekjur sveitarfélagsins hafa því vaxið samhliða íbúafjölgun og fjárhagur sveitarfélagsins stendur styrkum fótum. Mikil uppbygging íbúðarhúsnæðis er yfirstandandi og frekari uppbygging fyrirhuguð á nýju skipulagssvæði í austurhluta bæjarins samhliða áframhaldandi uppbyggingu í Túnahverfi. Lokið var við byggingu nýs leikskóla á árinu 2024. Skipulagsvinna til þess að tryggja framboð af verslunar- og þjónustulóðum við Sléttuveg er á lokametrunum og standa vonir til að hægt verði að auglýsa slíkar lóðir á næsta ári. Fyrirhuguð er skipulagsvinna í austurhluta bæjarins í samstarfi við sigurvegara úr hugmyndasamkeppni sem lauk á árinu sem er ætlað að tryggja til lengri tíma framboð af íbúðar-, verslunar- og þjónustulóðum.

Boðin verður út bygging nýrrar líkamsræktar á árinu 2025. Jafnframt verða boðnar út malbikunarframkvæmdir á nokkrum götum í Vík auk fleiri verkefna sem eru í framkvæmdaáætlun:

- | 2025 | 2026 |
|---|--|
| <ul style="list-style-type: none">• Ný líkamsrækt• Útsýnispallur í Reynisfjalli• Fráveitulausnir fyrir austurhluta Víkur• Gatna-, gangstétta- og stígagerð• Hönnun nýrrar slökkvistöðvar• Stofnframlög vegna byggingar leiguíbúð | <ul style="list-style-type: none">• Ný slökkvistöð• Gatna-, gangstétta- og stígagerð |
| | 2027 |
| | <ul style="list-style-type: none">• Viðbygging við Víkurskóla• Gatna-, gangstétta- og stígagerð |
| | 2028 |
| | <ul style="list-style-type: none">• Gatna-, gangstétta- og stígagerð |

Sveitarfélagið bauð út ræstingu í stofnunum þess á yfirstandandi ári. Í framhaldinu var samið til verktaka til tveggja ára. Einnig var ráðist í skipulagsbreytingar á skrifstofu sveitarfélagsins og embætti byggingarfulltrúa útvistað til verkfræðistofu.

Fjárhagsleg staða Mýrdalshrepps er góð og sveitarfélagið í góðri stöðu til að ráðast í innviðafjárfestingar. Mikilvægt er þó að horft verði til þess við áætlanagerð til lengri tíma að þjónustuþyngd íbúa í sveitarfélaginu kann að aukast mjög miðað við það sem nú er eftir því sem börnum fjölgar í skóla og þjónustustig hækkar. Launakostnaður og annar rekstrarkostnaður við að halda úti þjónustu getur þannig hækkað mjög og dregið úr svigrúmi til fjárfestingar.



Helstu niðurstöður fjárhagsáætlunar 2025:

- Rekstrarniðurstaða A- og B-hluta er jákvæð um 145 m.kr.
- Skuldahlutfall verður 71% í lok árs 2025
- Veltufé frá rekstri verður 221,8 milljónir
- Áætlaðar fjárfestingar í varanlegum rekstrarfjármunum nema 760 m.kr.
- Útsvarsprósenta er óbreytt frá því sem verið hefur, 14,97%
- Álagning fasteignagjalda verður óbreytt frá fyrra ári
- Almennt var miðað við 3,5% hækkun á öðrum gjaldskrá í A-hluta

Heildartekjur ársins 2025 eru áætlaðar 1.557 m.kr. og heildargjöld 1.262 m.kr. Fjármagnskostnaður er áætlaður 56,6 m.kr. og handbært fé í árslok 67,8 m.kr.

Talsverðar hreyfingar hafa verið í starfsmannahópi sveitarfélagsins á yfirstandandi ári. Umfang starfseminnar hjá ráðhúsi sveitarfélagsins er orðið slíkt að óumflýjanlegt er að horfa til þess að hægt verði að bæta við starfsfólki. Samþykkt var árið 2023 að taka á leigu aðstöðu fyrir ráðhús í nýju húsi sem mun rísa á Smiðjuvegi 7. Fyrirhugaðar eru framkvæmdir á næsta ári á þeirri lóð og ráðgert að húsnæðið verði tilbúið á seinni helming 2025. Stefnt er að því að auglýsa núverandi húsnæði á Austurvegi 17 til sölu þegar ljóst er hvenær afhending getur átt sér stað. Starfsaðstaðan mun þannig batna og gefa svigrúm til þess að ráða inn nýtt starfsfólk og bæta þannig þjónustu sveitarfélagsins.

Leikskólinn Mánaland flutti í nýtt húsnæði á árinu 2024 en samhliða því má gera ráð fyrir auknum launakostnaði eftir því sem börnum fjölgar. Einnig ber að líta til þess að ef vel á að vera þá mun kostnaður við sérkennslu og aðra þjónustu s.s. talþjálfun aukast nokkuð á næsta ári og næstu árum og á það jafnt við um leik- og grunnskóla. Eftir því sem nemendum hefur fjölgað við tónskóla Mýrdalshrepps þá hefur launakostnaður og annar rekstrarkostnaður þeirrar deildar einnig aukist. Mikil aðsókn kallar á að kennurum við skólann verði fjölgað svo hægt sé að halda áfram að þróa og bæta námið.

Áfram hefur staðið yfir þróun á starfsemi íþróttamiðstöðvar sveitarfélagsins. Nýverið staðfesti úrskurðarnefnd umhverfis- og auðlindamála að sveitarfélaginu væri heimilt að hafa einn sundlaugarvörð á vakt og sneri þannig ákvörðun Heilbrigðiseftirlits Suðurlands. Þessi útfærsla gefur kost á að lengja umtalsvert opnunartíma sundlaugar og heilsuræktar og bæta þannig þjónustu við íbúa. Áætlunin gerir ráð fyrir að áfram verði unnið að viðhaldi íþróttamannvirkjanna, en mikið viðhald er komið á aðstöðuna. Halda þarf áfram að gera endurbætur á kerfi sundlaugarinnar sem hefur



ítrekað bilað og standa vonir til að með því að ný varmadæla sé tekin í gagnið muni reynast einfaldara að hafa stöðugleika á starfseminni.

Teknar voru í notkun 6 íbúðir hjá leigufélaginu Brák á Sléttuvegi 3a á árinu 2024. Það markar þau tímamót að í fyrsta skipti er óhagnaðardrifið leigufélag komið á markaðinn í Vík. Fjárhagsáætlun 2025 gerir ráð fyrir stofnframlögum frá sveitarfélaginu í áframhaldandi uppbyggingu á Sléttuvegi og er áætlað að bygging 16-20 íbúða fjölbýlishúss hefjist í mars 2025 og að Brák íbúðafélag festi þar kaup á 10-12 íbúðum.

Fjárhagsáætlun 2025-2028 gerir ráð fyrir áframhaldandi uppbyggingu innviða og skipulagningu nýrra hverfa til þess að svara eftirspurn eftir lóðum. Stefnt er að eflingu stofnana þannig að hægt verði að tryggja góða þjónustu sveitarfélagsins við íbúa. Myndir í greinargerð þessari eru fengnar frá Þóri N. Kjartanssyni og sýna ýmsar framkvæmdir sem unnið er að í sveitarfélaginu um þessar mundir.

15. desember 2024

Einar Freyr Elínarson, sveitarstjóri Mýrdalshrepps



Forsendur áætlunar 2025-2028

Lagavísanir og skilgreiningar

Fjárhagsáætlun Mýrdalshrepps fyrir árið 2025 og þriggja ára áætlun fyrir árin 2026–2028 er sett fram í samræmi við 62. gr. sveitarstjórnarlaga nr. 138/2011 fyrir A-hluta og samantekinn reikning fyrir A- og B-hluta. A-hluti samanstendur af aðalsjóði og eignasjóði. Í aðalsjóði er rekstur málaflokka og þjónusta við íbúa bæjarins sem er fjármögnuð með skatttekjum og þjónustugjöldum. Í eignasjóði er haldið utan um rekstur, viðhald og stofnframkvæmdir fasteigna og gatna. Í áætlun A-hluta eru milli-viðskipti vegna innri leigu, fasteignaskatta og afnota af íþróttamannvirkjum jöfnuð út á milli stofnana. Til B-hluta teljast fjárhagslega sjálfstæðar rekstrareiningar sem eru í eigu bæjarins og eru fjármagnaðar með þjónustutekjum.

Skatttekjur

Skattlagningu sveitarfélaga er settur rammi í lögum um tekjustofna sveitarfélaga nr. 4/1995 með síðari breytingum. Skatttekjur skiptast í útsvar og fasteignaskatt. Aðrar tekjur með skattaígildi eru lóðaleiga.

Útsvar

Útsvarshlutfall er óbreytt og verður á árinu 2025, 14,97%. Áætlað er að útsvarstekjur vegna 2025 nemi um 830 m.kr. Áætlun útsvarstekna er byggð á útreikningum Sambands Íslenskra sveitarfélaga.

Framlög úr Jöfnunarsjóði

Mýrdalshreppur fær framlög frá Jöfnunarsjóði sveitarfélaga vegna grunnskóla, skólaaksturs, tónlistarkennslu, nýbúafræðslu og þjónustu við fatlað fólk. Áætlun Jöfnunarsjóðs sveitarfélaga liggur að stærstum hluta til fyrir. Gert er ráð fyrir að fjárhæð framlaga nemi alls tæpum 205 m.kr. sem er hækkun frá síðasta ári.



Fasteignagjöld

Stofn til útreiknings fasteignagjalda íbúðarhúsnæðis á árinu 2025 miðast við fasteignamat eigna sem gefið var út í júní 2024. Endurmat ársins, matsbreytingar og nýjar eignir leiða til þess að matsstofn Mýrdalshrepps verður samkvæmt eftirfarandi töflu.

Flokkur	Skýring	Álagningarhlutfall	Heildarfjárhæð
A	Almennt	0.33%	55.970.833
B	Opinbert húsnæði	1.32%	6.123.612
C	Atvinnuhúsnæði	1.65%	94.997.664
Samtals			157.092.109

Tekjur af fasteignaskatt, sundurliðaðar eftir flokkum.

Afsláttur af fasteignagjöldum

Reglur um niðurfellingu fasteignagjalda til elli- og örorkulífeyrisþega eru vegna íbúðarhúsnæðis þeirra til eigin nota og fyrir þá sem eiga lögheimili í Mýrdalshreppi. Niðurfellingin er tekjutengd og tekur einungis til fasteignaskatts. Afsláttur í fjárhagsáætlun 2025 er áætlaður 5,4 m.kr. Sú fjárhæð miðast við árstekjur (heildartekjur) 2023, sbr. álagningu skattstjóra og gilda fyrir lækkun fasteignaskatts 2025. Fjárhæðirnar skulu framreiknaðar árlega með tilliti til breytinga á launavísitölu frá upphafi til loka þess tekjuárs sem miðað er við hverju sinni.

Aðrar tekjur

Í frumvarpi að fjárhagsáætlun er gert ráð fyrir almennri 3,5% hækkun gjaldskráa fyrir árið 2025 málaflokkum:

- Leikskóli.
- Tónskóli.
- Dægradvöl í grunnskóla.
- Kostnaður við hressingu í leik- og grunnskóla. Hádegisverður er gjaldfrjál.

Gjaldskrá hunda- og kattahalds tekur vísitölubreytingum skv. fyrri samþykkt.



Laun og launatengd gjöld

Launakostnaður er áætlaður út frá núverandi stöðugildum og starfsmönnum og miðar að hækkun um 5%. Kjarasamningar kennara eru enn lausir og því kann launakostnaður að taka nokkrum breytingum. Í því ljósi eru settar fram hóflegar hækkanir en svigrúm til staðar í áætlun til að bregðast við.

Meðalfjöldi stöðugilda og starfsmanna eftir árum.

Fjöldi starfsmanna og stöðugilda								
	2021		2022		2023		2024	
	Stöðugildi	Starfsmenn	Stöðugildi	Starfsmenn	Stöðugildi	Starfsmenn	Stöðugildi	Starfsmenn
Leikskóli	7,6	10,9	9,3	10,3	9,3	10,8	8,5	9,8
Grunnskóli	12,9	18,5	13,9	18,5	16,0	21,8	15,8	20,5
Tónskóli	1,2	3,0	1,6	3,9	1,5	3,3	2,2	4,4
Leikskálar	0,3	1,0	0,3	1,1	0,3	1,0	0,3	1,0
Félagsmiðstöð	0,4	1,0	0,3	0,8	0,2	1,0	0,1	1,1
Íþróttamiðstöð	3,8	5,0	4,8	7,1	5,0	8,9	4,5	7,3
Slökkvilið	0,5	2,0	0,5	2,0	0,8	1,8	1,2	4,3
Byggingarfulltrúi	1,1	1,4	1,7	1,8	1,0	1,0	1,0	1,0
Ráðhús	3,1	4,1	4,5	4,8	4,1	4,3	4,4	4,7
Áhaldahús	3,5	4,5	3,6	3,8	3,6	3,7	2,3	2,3
SAMTALS	34.9	53.4	41.08	55.8	42.7	58.5	42.7	58.5


Málaflokkar, stofnanir og fyrirtæki.

Áætlað er að heildartekjur fyrir A- og B-hluta á árinu 2025 verði 1.556 m.kr. og að áætluð rekstrargjöld fyrir fjármagnsliði verði 1.262 m.kr. Jákvæð rekstrarniðurstaða fyrir fjármagnsliði er áætluð um 202 m.kr. Fjármagnsliðir eru áætlaðir neikvæðir sem nemur rúmlega 56,6 m.kr., þannig að áætluð rekstrarniðurstaða ársins 2025 er jákvæð um 145,6 m.kr.

Heildareignir samstæðunnar eru áætlaðar um 3.390 m.kr. í árslok 2025. Skuldir og skuldbindingar eru áætlaðar um 1.374 m.kr.

Veltufé frá rekstri er sá mælikvarði sem oft er litið til þegar meta skal getu sveitarfélaga til að standa við skuldbindingar sínar utan rekstrar. Mælikvarðinn gefur meðal annars vísbendingu um hversu mikið er til ráðstöfunar frá rekstri til fjárfestinga og til að greiða skuldir. Á árinu 2025 er gert ráð fyrir að veltufé frá rekstri verði um 221,8 m.kr., sem er um 14,2 % af heildartekjum.





Félagsmál

Mýrdalshreppur, Ásahreppur, Rangárþing ytra, Rangárþing eystra og Skaftárhreppur reka byggðasamlag um málefni fatlaðs fólks, Bergrisinn b.s.

Aðildarsveitarfélögin fela byggðasamlaginu skipulag og framkvæmd þjónustu við fatlað fólk sem á lögheimili í aðildarsveitarfélögunum í samræmi við lög nr. 59/1992 um málefni fatlaðs fólks, með síðari breytingum. Enn vantar töluvert uppá að það fjármagn sem sett er til þessa verkefnis á Suðurlandi í gegnum jöfnunarsjóðinn, dugi til að standa undir þjónustunni. Gert er ráð fyrir að greiða til Bergrisans 16.3 m.kr. árið 2025.

Mýrdalshreppur, Ásahreppur, Rangárþing ytra, Rangárþing eystra og Skaftárhreppur standa saman að byggðasamlagi um félags- og skólþjónustu. Í fjárhagsáætlun fyrir árið 2025 er gert ráð fyrir 46,3 m.kr. framlagi Mýrdalshrepps til byggðasamlagsins.

Rekstur hjúkrunarheimila er á ábyrgð ríkisins en greiðslu til rekstursins undanfarin ár hafa ekki verið í neinum tengslum við kostnaðinn, jafnvel stóru heimilin hafa ekki getað látið enda ná saman. Nokkur breyting varð þó á rekstrinum með nýjum samningum sem bæta stöðu minni hjúkrunarheimila. Litlu má muna um að heimilið sé rekið með afgangi en áætlun 2025 gerir ekki ráð fyrir styrk.



Fræðslu og uppeldismál

Gert er ráð fyrir að tæplega helmingur allra útgjalda fari til fræðslu og uppeldismála, samtals um 514 m. kr. Þar af eru 373 m.kr. í laun og launatengd gjöld og 141 m.kr. í annan rekstrarkostnað. Tekjur eru alls áætlaðar 20,5 m.kr.

Menningarmál

Til menningarmála er gert ráð fyrir að verja 33,6 m. kr. Þar af eru 3 m.kr. laun og launatengd gjöld og 30,7 m.kr. annar rekstrarkostnaður. Stærstu einingar þessa málaflokks Kötlusetur og Regnboginn. Rekstri bókasafns var tímabundið hætt á árinu 2023 vegna breytinga sem urðu á húsnæðinu að Ránarbraut 1 þar sem það hafði var verið til húsa.

Æskulýðs og íþróttamál

Til æskulýðs og íþróttamála heyrja leikjanámskeið, félagsmiðstöð og íþróttamiðstöð. Gert er ráð fyrir að verja til þessa málaflokks 135 m.kr. Þar af eru 64,7 m.kr. laun og launatengd gjöld og 70 m.kr. annar rekstrarkostnaður. Mest fjármagn fer til rekstrar íþróttamiðstöðvarinnar. Sveitarfélagið stefnir að því að útboði fyrir byggingu nýrrar líkamsræktar í byrjun árs 2025 og að framkvæmdir hefjist seinna á árinu. Kanna þarf mögulegar leiðir í rekstri nýrrar líkamsræktar, t.d. með samningum við einkaaðila.

Brunamál og almannavarnir

Til málaflokksins er áætlað að fari um samtals 64,8 m. kr. Þar af eru 40,6 m.kr. laun og launatengd gjöld og 24,2 m.kr. annar rekstrarkostnaður og fer stærstur hluti til rekstur slökkviliðsins. Í dag eru tvö föst stöðugildi þ.e. slökkviliðsstjóri og vara slökkviliðstjóri, ásamt þeim ganga að auki 3 varðstjórar bakvaktir. Heilt yfir er liðið vel búið tækjum en ljóst er að slökkvistöðin er barn síns tíma og aðstaða þar ekki í samræmi við reglugerðir og því er stefnt að hönnun nýrrar slökkvistöðvar á árinu 2025 og þriggja ára áætlun gerir ráð fyrir framkvæmdum árið 2026.

Miðað við stærð sveitarfélagsins er óvenju mikið af stórum byggingum og ljóst að það þarf öflugt slökkvilið til að ráða við bruna ef til þess kemur. Það er mikilvægt að geta slökkviliðsins sé höfð í huga við úthlutun byggingarleyfa stórra húsa.

Hreinlætismál

Til málaflokksins er áætlað að fari um samtals 74,6 m.kr. í málaflokkinn árið 2025. Tekjur verða 34,3 m.kr. en hafa þarf í huga að erfitt er að áætla hverjar tekjur af gámasvæði verða í nýju fyrirkomulagi þar sem innheimt verður fyrir úrgang sem verður skilað þangað samkvæmt gjaldskrá.



Skipulags- og byggingarmál

Í fjárhagsáætlun 2025 er gert ráð fyrir að leggja 70,9 m. kr. til málaflokksins. Þar af eru laun og launatengd gjöld 25,5 m.kr. og annar rekstrarkostnaður 45,5 m.kr. Talsverð deiliskipulagsgerð er áætluð á árinu 2025 og einnig eykst kostnaður vegna útvistunar embættis byggingarfulltrúa sveitarfélagsins.

Umferðar og samgöngumál

Framlag í áætlun 2025 til umferðar- og samgöngumála er 17,9 m. kr. Undir þennan málaflokk fellur viðhald gatna og gangstíga, götulýsing, snjómokstur og merkingar gatna og stíga. Áfram skal vinna að því að gera gangbrautir sýnilegri og gera við kanta þar við gangbrautar þar sem þörf er á.

Umhverfismál

Í þennan málaflokk er gert ráð fyrir að setja 24,3 m.kr. Að stærstum hluta undir þessum málaflokki er kostnaður við slátt og hriðingu opinna svæða. Mikil áhersla er lögð á að halda opnum svæðum snyrtilegum og vel hirtum. Erfiðlega hefur gengið að ráða viðbótar mannskap í áhaldahús en skoða mætti að bjóða út ákveðin verkefni, s.s. slátt. Undanfarin ár hefur verið unnið að því að endurbæta opin svæði og lýsa þau upp en til þess að þessar framkvæmdir nýtist almenningi þarf að halda þeim aðgengilegum og snyrtilegum. Jafnframt er gert ráð fyrir fjármunum vegna færslu á tjaldsvæði og aðstöðuhúss golfvallarins.

Atvinnumál

Undir þennan málaflokk falla m.a. fjallskil, refa- og minkaeyðing og Katla Jarðvangur. Gert er ráð fyrir að verja 10 m.kr. í málaflokkinn og þar munar mestu um áætlaðan 5,4 m.kr. styrk til Kötlu jarðvangs.

Sameiginlegur kostnaður

Ráðhús Mýrdalshrepps er stoðdeild sem leysir af hendi verkefni á fjármálasviði, þjónustu – og þróunarsviði og sinnir ráðgjöf um málefni persónuverndar, mannauðsmála og skjalamála. Gert er ráð fyrir að verja 146,5 m.kr. til málaflokksins á árinu 2025 og þar af eru 100 m.kr. laun og launatengd gjöld og 46,1 m.kr. annar rekstrarkostnaður.

M.a. annarra liða sem falla undir þennan málaflokk eru: Sveitarstjórn, ungmennaráð og endurskoðun.

Þjónustumiðstöð

Til málaflokksins er áætlað að fari um samtals 49,7 m.kr. til málaflokksins á árinu 2025 og þar af eru 36,2 m.kr. laun og launatengd gjöld og 12,9 m.kr. annar rekstrarkostnaður.

Þjónustumiðstöð/Áhaldahús sér um almenn viðhaldsverkefni og þjónustu opinna svæða sveitarfélagsins, þ.m.t. snjómokstur og slátt opinna svæða.



Eignasjóður

Eignasjóður er A-hluta stofnun sem leigir út varanlega rekstrarfjármuni til stofnana og fyrirtækja sveitarfélagsins samkvæmt óskum þeirra og þörfum. Hann innheimtir leigu (svonefnda innri leigu) í samræmi við raunverulegan kostnað sem viðkomandi fjárfesting ber með sér yfir lengri tíma. Til slíks kostnaðar teljast fjármagnskostnaður vegna viðkomandi rekstrarfjármuna, afskriftir, skattar og tryggingar og viðhaldskostnaður, auk eðlilegrar þóknunar eignasjóðs fyrir umsýslu.

Á undanförunum árum hefur jafnt og þétt verið unnið að endurbótum á fasteignum sveitarfélagsins og framhald verður á þeirri vinnu, m.a. með viðhaldi á íþróttamannvirkjum og öðru húsnæði í eigu sveitarfélagsins.



Framkvæmdaáætlun 2025

Alls er gert ráð fyrir fjárfestingum að upphæð 760 m.kr. á árinu 2025 í neðangreind verkefni.

Helstu viðhaldsverkefni

<i>Verkefni</i>	<i>Verkþáttur</i>
Íþróttahús	Þak, gafl og rennur
Leikskólar	Endurnýjun hurða og glugga
Göngubrú við Víkurá	Öryggisslár
Girðing við Þjóðveg	Öryggisgirðing við Austurveg 18-20

Gatnagerð

<i>Verkefni</i>	<i>Verkþáttur</i>
Mýrarbraut	Malbikun og frágangur
Mánabraut 26-32	Malbikun
Smiðjuvegur 7-15	Malbikun og frágangur
Reiðvegur (hesthúsahverfi)	Burðarlag
Mylluland	Malbikun
Víkurbraut 9- til gatnamóta Sunnubrautar	Endurnýjun malbiks
Víkurbraut 5-9	Endurnýjun malbiks
Golfvöllur	Burðarlag að nýju miðsvæði

Vatns- og fráveita

<i>Verkefni</i>	<i>Verkþáttur</i>
Mýrarbraut	Skólp- og regnvatnskerfi
Smiðjuvegur	Skólp- og regnvatnskerfi
Mylluland	Skólp- og regnvatnskerfi
Golfvöllur	Skólpkerfi
Austurbyggð	Þarfagreining
Hreinsistöð fyrir austurhluta Víkur	Ný hreinsistöð
Víkurbraut að Sunnubraut	Endurnýjun vatnskerfis
Iðnaðarsvæði	Ný stofnlögn frá Strandvegi
Mælar	Rennslismælar fyrir atvinnuhúsnæði
Golfvöllur	Nýtt vatnsinntak
Austurbyggð	Þarfagreining



Lýsing

<i>Verkefni</i>	<i>Verkþáttur</i>
Smiðjuvegur 7-15	Led ljósastaurar
Bakkabraut (Bakkaskarð og Reynisfjall)	
Syngjandi	

Gangstéttar og göngustígar

<i>Verkefni</i>	<i>Verkþáttur</i>
Mýrarbraut	Steypt gangstétt
Víkurbraut 1-5	
Klettsvegur – Sléttuvegur	Ecoraster plastmottur og lýsing
Syngjandi	
Víkurkirkja	

Nýframkvæmdir og fjárfestingar

Verkefni	Lýsing
Líkamsrækt	Nýbygging
Reynisfjall	Útsýnispallur í hlíðum Reynisfjalls
Leiguíbúðir	Stofnframlög til byggingar nýrra leiguíbúða
Slökkvilið	Hönnun nýrrar slökkvistöðvar

